

III. SARADNJA SKUPŠTINE TUZLANSKOG KANTONA SA DRUGIM PARLAMENTIMA

Uspostavljanje nove i unapređivanje postojeće saradnje Skupštine Tuzlanskog kantona sa skupštinama kantona u Federaciji BiH i parlamentima regija evropskih zemalja.

Sadržaj: Iskustva iz parlamentarnog života i prakse, posebno u oblasti zakonodavne djelatnosti kantona u Federaciji BiH i parlamentima regija evropskih zemalja; razvoj kantonalne uprave i lokalne samouprave, višestranačke demokratije i parlamentarnog sistema; iskustva i saradnja u implementaciji Dejtonskog sporazuma, posebno Aneksa 7. o povratku raseljenih lica i izbjeglica svojim kućama.

Nosilac posla: Skupština Tuzlanskog kantona
Rok: kontinuirano tokom 2017. godine

IV. OSTALO

Pored pitanja navedenih u prethodnim poglavljima i tačkama ovog programa, Skupština Tuzlanskog kantona će na svojim sjednicama razmatrati:

1. Informaciju o realizaciji Programa rada Skupštine Tuzlanskog kantona;
2. Informacije federalnih organa koji imaju organizacione jedinice na području Tuzlanskog kantona;
3. Ostala pitanja koja se nametnu kao posebno važna tokom 2017. godine, a koja su u nadležnosti Skupštine Tuzlanskog kantona;
4. Kolegij Skupštine će odlučiti o kojim informacijama će se obaviti rasprava samo na sjednicama radnih tijela, a po potrebi izvještaji sa radnih tijela će biti razmatrani na sjednici Skupštine.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-548-12/16
Tuzla, 23.12.2016. godine

PREDSJEDNIK
Skupštine Tuzlanskog
kantona,
Senad Alić, v.r.

986

Na osnovu člana 10. stav (3) Zakona o dopunskim pravima branilaca i članova njihovih porodica -prečišćeni tekst ("Službene novine Tuzlanskog kantona", br. 5/12 i 5/14), Vlada Tuzlanskog kantona, na sjednici održanoj dana 15.11.2016. godine, d o n o s i

U R E D B U

o utvrđivanju uslova, kriterija i postupka za odobravanje finansijskih sredstava za pomoć u liječenju branilaca i članova njihovih porodica

I. Osnovne odredbe

Član 1. (Predmet)

(1) Ovom uredbom utvrđuju se uslovi, kriteriji i postupak za odobravanje finansijskih sredstava za pomoć u liječenju branilaca i članova njihovih porodica, kao i način isplate odobrenih finansijskih sredstava.

(2) Prava iz stava (1) ovoga člana ostvaruju se u skladu sa ovom uredbom i raspoloživim budžetskim sredstvima.

Član 2.

(Finansijska sredstva)

Finansijska sredstva za pomoć u liječenju branilaca i članova njihovih porodica (u daljem tekstu: finansijska sredstva) obezbjeđuju se u Budžetu Tuzlanskog kantona, a koriste se u skladu sa programom koji donosi Vlada Tuzlanskog kantona (u daljem tekstu: Vlada Kantona) za svaku budžetsku godinu.

II. Korisnici prava

Član 3.

(Korisnici prava)

(1) Pravo na finansijska sredstva iz člana 2. ove uredbe ima branilac i članovi njegove porodice (u daljem tekstu: podnosiocima zahtjeva) iz člana 10. Zakona o dopunskim pravima branilaca i članova njihovih porodica - prečišćeni tekst ("Službene novine Tuzlanskog kantona", br. 5/12 i 5/14).

(2) Podnosiocima zahtjeva iz stava (1) ovog člana, finansijska sredstva iz člana 2. ove uredbe mogu se odobriti jednom u toku kalendarske godine, za svakog oboljelog člana porodičnog domaćinstva.

III. Namjena finansijskih sredstava

Član 4.

(Namjena sredstava)

Finansijska sredstva se mogu odobriti za pomoć u liječenju branilaca i članova njihovih porodica:

- a) u inostranstvu i
- b) u Bosni i Hercegovini (u daljem tekstu: BiH).

a) Liječenje u inostranstvu

Član 5.

(Uslovi za ostvarivanje prava u inostranstvu)

Pravo na finansijska sredstva za pomoć u liječenju inostranstvu podnosiocima zahtjeva može ostvariti pod uslovom da:

- ima prijavljeno mjesto prebivališta na području Tuzlanskog kantona (u daljem tekstu: Kanton), odnosno mjesto boravišta u statusu raseljenog lica na području Kantona, odnosno da je povratnik u prijeratno mjesto prebivališta,
- ostvaruje pravo iz oblasti boračko - invalidske zaštite u općinama Kantona,
- da se ne radi o oboljenju iz člana 5. stav (2) Pravilnika o uslovima i postupku upućivanja osiguranih lica na liječenje u inostranstvo („Službene novine Federacije Bosne i Hercegovine“, broj: 93/13),
- da nadležna konzilijarna ljekarska komisija, na osnovu medicinskih indikacija, predloži liječenje u inostranstvu jer je u pitanju oboljenje koje se ne može uspješno liječiti u BiH,
- da priloži račun sa dokazom da je izvršeno plaćanje liječenja i
- da se zahtjev podnese najkasnije u roku od godinu dana od obavljenog liječenja u inostranstvu.

Član 6.

(Visina novčane pomoći za liječenje u inostranstvu)

(1) Visina novčane pomoći koja se može odobriti podnosiocu zahtjeva za liječenje u inostranstvu, utvrđuje se u maksimalnom iznosu 50% sredstava od priloženog računa.

(2) Odobreni iznos iz stava (1) ovog člana ne može biti veći od 5.000,00 KM (slovima: pet hiljada konvertibilnih maraka) za korisnika u statusu ratnog vojnog invalida, odnosno ne može biti veći od 3.000,00 KM (slovima:

trihiljade konvertibilnih maraka) za ostale podnosiocje zahtjeva.

b) Liječenje u BiH

Član 7.

(Uslovi za ostvarivanje prava u BiH)

Pravo na finansijska sredstva za pomoć u liječenju u BiH podnosilac zahtjeva može ostvariti pod uslovom da:

a) ima prijavljeno mjesto prebivališta na području Kantona, odnosno mjesto boravišta u statusu raseljenog lica na području Kantona, odnosno da je povratnik u prijeratno mjesto prebivališta,

b) ostvaruje pravo iz oblasti boračko - invalidske zaštite na području Kantona,

c) živi u porodičnom domaćinstvu gdje se ostvaruju mjesečna novčana primanja po članu domaćinstva manja od 50,1% prosječne neto plaće ostvarene u Federaciji Bosne i Hercegovine (u daljem tekstu: FBiH) u prethodnoj godini, prema podacima Zavoda za statistiku Federacije Bosne i Hercegovine i

d) priloži medicinsku dokumentaciju ne stariju od šest mjeseci od momenta podnošenja zahtjeva.

Član 8.

(Kriterij za utvrđivanje visine finansijskih sredstava za pomoć u liječenju u BiH)

(1) Kriterij za utvrđivanje visine finansijskih sredstava za pomoć u liječenju u BiH je isključivo imovinski census podnosioca zahtjeva.

(2) Imovinski census podnosioca zahtjeva i članova njegovog porodičnog domaćinstva obuhvata sva primanja, izuzev novčanih prinadležnosti po osnovu boračko - invalidske zaštite i socijalne zaštite, a određuje se na osnovu prosječne neto plaće ostvarene u prethodnoj godini u FBiH, prema zvanično objavljenom podatku Zavoda za statistiku FBiH.

(3) Imovinski census se dokazuje odgovarajućim dokumentima izdatim od strane nadležnih organa koji su navedeni u prilogu ove uredbe.

(4) Pod članom porodičnog domaćinstva, u smislu ovog člana, podrazumijevaju se: bračni/vanbračni drug i djeca rođena u braku ili van braka, usvojena i pastorčad, pod uslovom da žive u zajedničkom domaćinstvu sa korisnikom.

Član 9.

(Vrste oboljenja)

(1) Finansijska sredstva iz člana 2. ove uredbe, mogu se odobriti za pomoć u liječenju u BiH, ako se radi o sljedećim bolestima:

a) Respiratorne bolesti:

1) bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%),

2) apsces pluća i medij astinuma,

3) piotorax,

4) respiratorni distres sindrom.

b) Bolesti koštano - mišićnog sistema i vezivnog tkiva

1) direktna infekcija zglobova kod infektivnih i parazitskih oboljenja,

2) seropozitivni reumatoidni artitis kada je bolesnik nesposoban za bilo kakve aktivnosti ili vezan za postelju i invalidska kolica,

3) ankilozirajući spondilitis,

4) protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajaj treatment,

5) kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima.

c) Neuromišićne bolesti

1) progresivna neuromišićna oboljenja,

2) multipla skleroza,

3) mijastenija gravis,

4) epilepsija nekontrolisana ili rezistentna na terapiju,

5) nezarazni encefalitis i encefalomijalitis.

d) Specifična stanja koja zahtjevaju skupi i doživotni tretman

1) transplantacije organa,

2) transplantacija koštane srži,

3) stanja poslije operativnih zahvata na srcu, mozgu i plućima koja zahtjeva duže bolničko liječenje, rehabilitaciju i intenzivni medikamentozni tretman.

e) Ostala oboljenja

1) Infarkt (srčani ili moždani) i

2) maligni tumori.

(2) Za oboljenja utvrđena u stavu (1) tačka d) alineja 3) podnosilac zahtjeva ima pravo na finansijska sredstva najkasnije u roku od godinu dana od dana izvršenog operativnog zahvata prema medicinskoj dokumentaciji.

(3) Za oboljenja utvrđena u stavu (1) tačka e) alineja 1) podnosilac zahtjeva ima pravo na finansijska sredstva najkasnije u roku od godinu dana nakon bolničkog liječenja, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.

(4) Za oboljenja utvrđena u stavu (1) tačka e) alineja 2) podnosilac zahtjeva ima pravo na finansijska sredstva najkasnije u roku od pet godina nakon uspostavljene dijagnoze, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.

(5) Finansijska sredstva iz stava (1) ovoga člana mogu se odobriti samo za nabavku lijekova neophodnih za liječenje bolesti iz stava (1) ovoga člana i troškove liječenja.

Član 10.

(Visina novčane pomoći za liječenje u BiH)

Visina novčane pomoći za oboljenja iz člana 9. ove uredbe su:

a) podnosilac zahtjeva i članovi porodičnog domaćinstva bez prihoda..... 600,00 KM,

b) podnosilac zahtjeva i članovi porodičnog domaćinstva čiji su prihodi po članu užeg porodičnog domaćinstva do 5% prosječne plaće u F BIH..... 500,00 KM,

c) podnosilac zahtjeva i članovi porodičnog domaćinstva čiji su prihodi po članu užeg porodičnog domaćinstva od 5,1% do 10% prosječne plaće u F BIH 450,00 KM,

d) podnosilac zahtjeva i članovi porodičnog domaćinstva čiji su prihodi po članu užeg porodičnog domaćinstva od 10,1% do 15% prosječne plaće u F BIH..... 400,00 KM,

e) podnosilac zahtjeva i članovi porodičnog domaćinstva čiji su prihodi po članu užeg porodičnog domaćinstva od 15,1% do 20% prosječne plaće u F BIH..... 350,00 KM,

f) podnosilac zahtjeva i članovi porodičnog domaćinstva čiji su prihodi po članu užeg porodičnog domaćinstva od 20,1% do 30% prosječne plaće u F BIH.... 300,00 KM,

g) podnosilac zahtjeva i članovi porodičnog domaćinstva čiji su prihodi po članu užeg porodičnog

domaćinstva od 30,1% do 40% prosječne plaće u F BiH
..... 250,00 KM

h) podnosilac zahtjeva i članovi porodičnog
domaćinstva čiji su prihodi po članu užeg porodičnog
domaćinstva od 40,1% do 50% prosječne plaće u F BiH.....
..... 200,00 KM.

IV. Postupak razmatranja zahtjeva i odlučivanja

Član 11.

(Podnošenje zahtjeva i potrebna dokumentacija)

(1) Dodjela finansijskih sredstava iz člana 2. ove uredbe vrši se na osnovu pismenog zahtjeva čiji obrazac se nalazi u prilogu ove Uredbe.

(2) Zahtjev sa potrebnom dokumentacijom se podnosi putem nadležne općinske službe (u daljem tekstu: Služba), prema mjestu prebivališta korisnika prava.

(3) Služba je obavezna sačiniti socijalnu anamnezu za podnosioca zahtjeva i kompletiran zahtjev, najkasnije u roku od 8 dana dostaviti Ministarstvu.

Član 12.

(Imenovanje vanjskog saradnika)

Ministar za boračka pitanja (u daljem tekstu: ministar) u saradnji sa Ministarstvom zdravlja Tuzlanskog kantona, imenuje ljekara kao vanjskog saradnika, koji za potrebe Ministarstva za boračka pitanja Tuzlanskog kantona (u daljem tekstu: Ministarstvo), daje stručno mišljenje u pogledu utvrđivanja vrste oboljenja prema priloženoj medicinskoj dokumentaciji, u svrhu donošenja odgovarajućeg rješenja.

Član 13.

(Prvostepeni postupak)

(1) Podnosilac zahtjeva koji ne ispunjava uslove iz članova 3., 5. ili 7. ove uredbe, odbija se odgovarajućim rješenjem Ministarstva.

(2) Ukoliko se utvrdi da podnosilac zahtjeva ispunjava uslove iz članova 3., 5. i 7. ove uredbe, spis predmeta se dostavlja ljekaru iz člana 12. ove uredbe, radi davanja stručnog mišljenja u pogledu vrste oboljenja, prema priloženoj medicinskoj dokumentaciji.

(3) Na osnovu stručnog mišljenja ljekara iz stava (2) ovog člana, Ministarstvo donosi odgovarajuće rješenje.

Član 14.

(Odlučivanje po žalbi)

(1) Protiv rješenja Ministarstva, iz člana 13. stavovi (1) i (3) podnosilac zahtjeva ima pravo žalbe u roku od 15 dana od dana dostavljanja rješenja.

(2) Po žalbi izjavljenoj protiv rješenja Ministarstva rješava Komisija za drugostepeno upravno rješavanje Vlade Kantona.

(3) Protiv rješenja donesenog u drugom stepenu može se pokrenuti upravni spor kod nadležnog suda.

V. Način isplate finansijskih sredstava

Član 15.

(Način isplate finansijskih sredstava i izvještaj o utrošku sredstava)

(1) Isplata odobrenih finansijskih sredstava iz ove uredbe vrši se putem službe.

(2) Služba je obavezna do 5-og u mjesecu podnijeti izvještaj Ministarstvu o utrošku odobrenih finansijskih sredstava za sve podnosice zahtjeva kojima su isplaćena sredstva, uz dostavljanje kopije isplatnog dokumenta, izvoda sa žiro računa poslovne banke sa nalozima za prenos sredstava na račune istih.

Član 16.

(Prijelazne odredbe)

(1) Postupci započeti po propisima koji su važili do stupanja na snagu ove uredbe, a nisu okončani pravosnažnim rješenjem, okončat će se po odredbama ove uredbe.

(2) Stupanjem na snagu ove uredbe, prestaje da važi Uredba o kriterijima i postupku odobravanja finansijskih sredstava za liječenje branilaca i članova njihovih porodica ("Službene novine Tuzlanskog kantona", br. 6/12 i 8/14).

Član 17.

(Stupanje na snagu i objavljivanje)

Ova uredba stupa na snagu danom donošenja i objaviti će se u „Službenim novinama Tuzlanskog kantona“, a primjenjuje se od 01.01.2017. godine.

Bosna i Hercegovina
- Federacija Bosne i Hercegovine -
TUZLANSKI KANTON
VLADA

PREMIJER KANTONA

Bego Gutić, v.r.

Broj: 02/1-02-21800/16
Tuzla, 15.11.2016. godine

PRILOG:

P O P I S
potrebne dokumentacije
uz zahtjev za dodjelu finansijskih sredstava za pomoć u liječenju
branilaca i članova njihovih porodica

Redni broj:	Naziv dokumenta	Organ koji izdaje dokument
1.	socijalna anamneza sačinjena od strane nadležne općinske službe za boračko-invalidsku zaštitu sa dokazom o eventualno dodijeljenoj pomoći za liječeno oboljenje, od općine ili Federalnog ministarstva za pitanja boraca i iznos dodijeljene pomoći (original ili ovjerena fotokopija),	Općinska služba za boračko invalidsku zaštitu
2.	<p>a) za PŠ-PB, RVI i djecu PŠ-PB i RVI - posljednje rješenje na snazi,</p> <p>b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana PŠ-PB ili RVI - posljednje rješenje na snazi,</p> <p>c) dijete PŠ-PB i umrlog RVI koje je izgubilo pravo na porodičnu invalidninu zbog punoljetnosti i/ili prestanka redovnog školovanja, a koje nije napunilo 25 godina života – posljednje rješenje koje je bilo na snazi,</p> <p>d) dijete poginulog, umrlog ili nestalog dobitnika ratnog priznanja i odlikovanja, koje je izgubilo pravo na mjesečni novčani dodatak zbog punoljetnosti i/ili prestanka redovnog školovanja, a koje nije napunilo 25 godina života - posljednje rješenje koje je bilo na snazi,</p> <p>e) za „Nosioce partizanske spomenice 1941-1945.“ - posljednje rješenje koje je na snazi,</p> <p>f) za DB i dijete DB dokaz o pripadnosti boračkoj populaciji - uvjerenje koje izdaje nadležni organ odbrane</p> <p>g) udovica umrlog DB –</p> <p style="padding-left: 20px;">1) dokaz o pripadnosti boračkoj populaciji - koje izdaje nadležni organ odbrane</p> <p style="padding-left: 20px;">2) izvod iz matične knjige rođenih i vjenčanih i</p> <p style="padding-left: 20px;">3) ovjerena izjava sa dva svjedoka da imenovana nije stupila u brak ili vanbračnu zajednicu</p> <p style="padding-left: 40px;">(sva tri dokumenta kumulativno)</p> <p>dokumenti od a) do e) moraju biti dostavljeni kao original ili ovjerena fotokopija, a ista prilaže služba za boračko invalidsku zaštitu po službenoj dužnosti</p>	<p>Općinska služba za boračko invalidsku zaštitu</p> <p style="text-align: center;">po službenoj dužnosti</p> <p>Odjeljenje odbrane</p>
3.	kućna lista u kojoj su navedeni svi članovi porodičnog domaćinstva, (original ili ovjerena fotokopija),	Ovjerena kod nadležnog organa
4.	dokaz o zaposlenju svih punoljetnih članova domaćinstva i visini stalnih izvora prihoda (original ili ovjerena ftc posljednje platne liste ili uvjerenje poslodavca o visini	

	<i>posljednje mjesečne plaće ili ček od PIO penzije)</i>	
5.	uvjerenje sa biroa za zapošljavanje za sve nezaposlene članove domaćinstva, a ukoliko se ne vodi na birou za zapošljavanje uvjerenje iz ispostave porezne uprave (<i>original ili ovjerena fotokopija</i>),	JU Služba za zapošljavanje, Porezna uprava FBiH Ispostave porezne uprave
6.	uvjerenje iz porezne uprave da branilac i punoljetni članovi domaćinstva ne ostvaruje dodatne prihode (<i>original ili ovjerena fotokopija</i>),	Porezna uprava FBiH Ispostave porezne uprave
7.	uvjerenje o redovnom školovanju djece	Obrazovna ustanova

8.	Za liječenje u BIH: dokaz o zdravstvenom stanju branioca ili člana domaćinstva izdat od strane ovlaštene zdravstvene ustanove ili stručnog tima - konzilijuma, ne stariji od šest mjeseci	Nadležne zdravstvene ustanove ili JZU UKC
9.	Za liječenje u inostranstvu: a) prijedlog ljekarskog konzilija nadležne ljekarske ustanove, da se oboljenje, za koje se traže finansijska sredstva, ne može uspješno liječiti u Bosni i Hercegovini i b) račun sa dokazom da je izvršeno plaćanje (<i>original ili ovjerena fotokopija</i>).	Ljekarski konzilij ovlaštene ljekarske ustanove Zavod zdravstvenog osiguranja TK i Ustanova gdje je izvršeno liječenje

Obrazac Zahtjeva

(prezime, ime oca, ime)

(adresa stanovanja-ulica, broj, poštanski broj i mjesto)

(broj kontakt telefona)

MINISTARSTVO ZA BORAČKA PITANJA TUZLANSKOG KANTONA

Ulica Rudarska broj: 65, 75 000 Tuzla

putem

Službe za boračko - invalidsku zaštitu grada/općine _____

PREDMET: Zahtjev za dodjelu finansijskih sredstava za pomoć u liječenju,

Molim navedeni naslov da odobri finansijskih sredstava koja su neophodna za liječenje :

- a) u BIH
- b) u inostranstvu:
(zaokružiti)

Sredstva za liječenje su mi potrebna za :

(navesti za koga se podnosi zahtjev)

Vrste oboljenja u BIH za koja se može odobriti finansijska pomoć:

respiratorne bolesti (bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%, apsces pluća i medij astinuma, piotorax i respiratorni distres sindrom);

bolesti koštano - mišićnog sistema i vezivnog tkiva (direktna infekcija zglobova kod infektivnih i parazitnih oboljenja, seropozitivni reumatoidni artitis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima);

neuromišićne bolesti (progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis);

specifična stanja koja zahtijevaju skupi i doživotni tretman (transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman) i

ostala oboljenja (infarkt (srčani ili moždani), maligni tumori).
(zaokružiti vrstu oboljenja)

Obzirom da po odredbama člana 10. Zakona o dopunskim pravima branilaca i članova njihovih porodica imam status branioca, jer sam:

- a) član PŠ-PB odnosno dijete PŠ-PB,
- b) RVI odnosno dijete RVI,
- c) dobitnik ratnog priznanja i odlikovanja, odnosno dijete dobitnika najvišeg ratnog priznanja i odlikovanja, ukoliko nema status člana PŠ-PB ili RVI,
- d) dijete PŠ-PB odnosno umrlog RVI koje je izgubilo pravo na porodičnu invalidninu zbog punoljetnosti i/ili prestanka redovnog školovanja, a nisam napunio 25 godina života,
- e) dijete poginulog, umrlog ili nestalog dobitnika ratnog priznanja i odlikovanja, koje je izgubilo pravo na mjesečni novčani dodatak zbog punoljetnosti i/ili prestanka redovnog školovanja, a nisam napunio 25 godina života,
- f) „Nosilac partizanske spomenice 1941-1945.“,
- g) DB, odnosno dijete DB i
- h) udovica umrlog DB,

(zaokružiti status korisnika)

Molim Naslov da mi, na osnovu podnijetog zahtjeva i priložene dokumentacije, dodijeli tražena finansijska sredstva.

svojeručni potpis podnosioca zahtjeva

Uz zahtjev prilažem:

1. Dokaz o pripadnosti boračkoj populaciji izdat od nadležne općinske službe, a za suprugu umrlog DB (sva tri dokumenta pod a), b) i c) kumulativno):
 - a) *dokaz o pripadnosti boračkoj populaciji - uvjerenje koje izdaje nadležni organ odbrane;*
 - b) *izvod iz matične knjige rođenih i vjenčanih i*
 - c) *ovjerenja izjava sa dva svjedoka da imenovana nije stupila u brak ili vanbračnu zajednicu*
2. Kućnu listu u kojoj su navedeni svi članovi porodičnog domaćinstva (*original ili ovjerenja fotokopija*),
3. Dokaz o zaposlenju svih punoljetnih članova domaćinstva i visini stalnih izvora prihoda (*original ili ftc posljednje platne liste ili uvjerenje poslodavca o visini posljednje mjesečne plaće ili ček od PIO penzije*),
4. Uvjerenje sa biroa za zapošljavanje za sve nezaposlene članove domaćinstva, a ukoliko se ne vodi na birou za zapošljavanje uvjerenje iz ispostave porezne uprave (*original ili ovjerenja fotokopija*),,
5. Uvjerenje iz porezne uprave da branilac i punoljetni članovi domaćinstva ne ostvaruje dodatne prihode (*original ili ovjerenja fotokopija*),
6. Uvjerenje o redovnom školovanju djece (*original ili ovjerenja fotokopija*),
7. Dokaz o zdravstvenom stanju branioca ili člana domaćinstva izdat od strane ovlaštene zdravstvene ustanove ili stručnog tima - konzilijuma, **ne stariji od šest mjeseci**

Za liječenje u inostranstvu pored dokumentacije iz tački 1.-7. potrebno priložiti dodatnu dokumentaciju, i to:

- a) prijedlog ljekarskog konzilija nadležne ljekarske ustanove da se oboljenje, za koje se traže finansijska sredstva, ne može uspješno liječiti u Bosni i Hercegovini
- b) račun sa dokazom da je izvršeno plaćanje liječenja (*original ili ovjerenja fotokopija*).